

BU/601/89
33

1-8
33

臨汾縣志

卷一

序文

凡例

目錄

姓氏

圖考

余荷



殊恩於丁未仲冬涖臨汾吏以縣志
進體裁詳整文簡而義該具有
良史才顧不能無疑者其於一
時民風若不勝好利樂禍之慮
夫臨汾古唐封憂深思遠其風
豈盡泯焉者乎何遽如所言之

臨汾縣志

序

一

甚耶既又有以賦籍進者則積
逋逾十年數且逾十萬繭絲不
可爲逃賦胡可訓也噫信矣時
歲已云暮頃未知端緒所在明
春從太守後勸農四郊則見
夫山川如故風景無殊習詩書
者勤絃誦而秉耒耜者安襁褓

絕無所爲剽悍強驚之習也前之所信者又不能不轉而爲疑因旅進諸父老於庭問所以逋賦狀對曰歲苦旱有年所矣庚子辛丑赤地千里當是時救死且不贍卒賴

聖祖仁皇帝發帑蠲賑吾民始得有今

臨汾縣志

序

二

日不然人之不有其遑問賦更叠諮詢對畧同則詔之曰爾民亦知念

主德乎即逋賦得至於今亦上德也而不思所以報則

國有常典徒負惡名以爲天下後世羞其曷早爲計且

上之所以爲爾民者亦至矣奈之何
爾不自爲耶語未畢諸父老感
且泣謂吾民誠負

上然亦何敢終負顧爲數多誠不能
湏臾供願得官指示先後且願
得少寬假遂各自爲限而去欽
惟我

臨汾縣志

序

三

皇上軫念民瘼輕徭薄賦美不勝述
諸憲臺又皆仰體

皇仁惠養時殷比年感召

天和連登大有民力用舒新舊賦皆得
以次清完不寧惟是頃軍需駢
雇凡有作料與諸能工作之人
無不踴躍輸効與之直必再三

詔之而後肯受而又爭先捐運
務圖申報嗟乎好利而樂禍者
顧能若此耶然則信無可信而
疑誠可疑也蓋屢欲爲諸父老
一洗此羞而時有未遑亦才有
不逮適奉

旨修山西通志檄徵各郡縣志以備

臨汾縣志

序

四

考核而戶口有歸併田賦有增
墾多舊志所無余乃不得以不
才辭於是增闕補遺時有損益
而大概規模一切仍舊則猶是
述而不作之遺意事既竣復進
邑孝廉王子名轂徐子文鳳鄭
子維綱王子師諸君子商確考

訂舉無異議焉顧余深有望焉
者吾民幸得生堯舜之地又得
逢

堯舜之君尙其士修實行農勤力作
以日進於比屋可封之舊庶不
至我疑前人復使後之人疑我
也云爾

臨汾縣志

序

五

雍正巳酉季冬穀旦知臨汾縣
事大興徐三俊逸菴甫撰



臨汾縣舊志小序

邢雲路曰粵若稽古帝堯便章百姓百姓昭明斯民也
自堯封歷百代文獻在焉壯哉汾邑實陶唐昭明之國
而乃方策散逸誌錄爲缺者幾數千百年雖間有類述
之者顧於是邑也攷焉而弗詳有之信焉而或舛有之
亡徵不信其誰與從僕乃馳騁前古蒐括隱顯綜覽名
物計心輯衆成爲一家俾一同之中三才之道備焉賤
臣小材敢揚斯緒上自黃唐迄於今日通爲邑志凡九
篇其叙曰

臨汾縣志

舊序

一

參務儲精冀方辨土北屋可封風淳自古陟彼姑射頰
眺康衢提封百里利我上腴永奠乃家出作八息尹臣
司汾是圖是職述地理志第一

土階茅茨構自堯墟基命定命厥制不渝於顯康邑旣
麗且都官衙學館治教惟先雲氣山林宮闕像焉棲真
曜景輪奐相連興革從道述者之賢述官室志第二
禹乘四載帝都是亟賦滄順經艱食乃粒振古若茲沃
土毋逸平滂汾梁洞溝漉汙舉插興雲決渠降雨就哉
勸農利我禾黍述溝洫志第三

先王攸寶土地人民洪範首政食貨惟均生齒登耗原
田稼穡租調公旬歎哉民力勤斯不遺物產在焉不貴
異物生生乃恬述田賦志第四

地醞正氣神堯載興多男衍緒傳於漢京伊邠舊墟康
衢遺墅協帝我 皇纂堯之緒澤潤汾川民止其所述
帝系志第五

剖符百里爲民保釐秩事以次官師相維牧存愛軌訓
樹芳規範我後人如何勿思述職官志第六

於鑠唐封坤靈雄鉅乃毓碩人蜚聲宏樹顯隱順蹇歸
臨汾縣志

舊序

二

潔則同名並河山相爲始終述人物志第七
稔降豐荒吉凶悔吝何省非予天尤人勝告往知來畏
茲明命亦有異端佛老之術疑以傳疑智者不惑述祥
異志第八

篆肇頡史典傳陶唐逃矣文明實興是邦述作代有後
先相望天籟吹萬大竅砰訇如予處壁亦得蛩鳴述藝
文志第九

臨汾縣舊志序

萬曆辛卯三月 邑人陳王道撰

夫志史也所以稽往昔而紹將來也古者千乘之國與附庸之邦皆有史以紀時事自秦割列國而郡縣之則志固史之易名耳我臨汾爲平陽附郭邑阻姑蒂汾實堯舜禹甸服之墟亦巨邑也舊無志豈以爲邑麗於郡而不必志歟抑當事者惟簿書期會是急而以此爲迂圖也嗟乎信缺典矣頃安肅澤宇刑侯以庚辰進士奉命拜邑令憫茲缺典恒嘖嘖嘆恨已勃勃思興矣顧政急

臨汾縣志

舊序

三

先務施爲次第未遑也迨今歲辛卯侯視邑篆者蓋五年所于茲矣政修人和百廢咸振乃憊憊於邑志之作於是屬草于庠之師生輩蓋以輿論之公也侯則竭精殫思窮蒐周采親加筆削而覈訂焉然後捐俸命梓遂成完典愚鄉人也樂觀厥成乃起而嘆曰斯志也侯之所以惠我邑民者鉅且久已何者蓋志誌也所以誌一邑之事而備省鑒者也載觀斯志上自天文下及地理中及人物風俗田賦戶口職官古蹟諸類挈綱析目靡所罣漏燦乎其有文也秩乎其有理也誠足以稽往紹

來信今傳後俾觀風者有所采錄司牧者有所循據
之善治家者焉凡厥田原宮室錢貫租廩桑麻畜產及
一切瑣細之屬靡不登諸籍記俾一展視則治家之務
井井自成矣然則司牧者時一觀斯志其治邑之政豈
不章章明備舉而措之裕如矣乎雖然此特侯之緒餘
耳若乃惠政之在人也其細者無論論其大者侯始下
車連遭大祲乃遍吳鄉落督粥起餓萬姓賴以更生兩
編徭役蒼赤安業里閭無愁嘆聲至如濬築滂河通水
灌田不啻千頃俾斥鹵爲腴壤垂千百載不朽之利之

數者皆彪炳簡秩而耿耿不磨者也使後之司牧者誠
按其籍而行之取其政之大者而亟行之則侯之德惠
斯民者不其鉅且久歟愚繇是益知斯志之作也固已
爲司牧者之幸尤深爲斯邑斯民之幸云

臨汾縣舊志序

萬曆壬辰三月 漢陽蕭良有撰

今天下載籍極博尤莫博於諸郡邑志乃識者獨鯁鯁焉閱其鑿於體也體之鑿志之亡也蓋文有所互發而體有所獨裁要以記實存徽彰往訓後質而不俚贍而不穢志之體若是止耳不然任胷臆偏軒輊不關世教雖工無取故有獨詳於地勢者矣則輿圖集也有獨備于戶役者矣則黃白冊也有獨周于秩官者矣則薦紳覽也有獨悉于人材者矣則科目考也有獨瑣于異流

臨汾縣志

舊序

五

者矣則科官錄也有獨麗于詞賦者矣則文苑編也而奚志之爲識者聞焉余友安肅邢士登氏令臨汾之五載政通人和百廢具舉乃爲志志成擢兵部尙書卽來燕中以脉不佞不佞卒業嘆曰美哉志乎斯所謂不鑿于體者乎彼其志地利志宮室志溝洫而不謂之輿圖集也志田賦而不謂之黃白冊也志帝系志職官而不謂之科目考也志祥異志藝文而不謂之稗官錄文苑編也無它識體故也稱之事則不浮騰之詞則有典鏡之往則不謬俟之來則非惑噫嘻臨汾曰堯舜禹湯敷

聖人肇跡之所祠墓在焉乃歷幾千萬年厥有斯志足稱大觀豈其靈將有待歟斯文在茲來者可式微獨循吏庶幾史才甚盛已余獨慨士登氏之不爲史而爲吏也雖然周官有內外史以掌天下之志則有職方氏以掌郡國之志夫非士登氏今官耶士登士曷矣九邊八域疇非堯封亦疇非一邑之積也誠網羅參訂上下二三百載故實勒成一家言其體稍殊其義惟一則斯志實權輿焉余不佞且膺矢視也士登氏曷矣

臨汾縣舊志序

萬曆辛卯三月 邑人楊起元撰

夫邑之有志蓋倣古列國之史而爲之者邑庶事若蝟
毛曷可縷數而其大者若陵谷風會往躅遺編類以考
古鏡今則世道民情恒繫之釋此不志曷論文獻將使
遠邇上下恣恣焉如長夜卽欲驗世道而察民情其術
無繇已善哉周官之爲制也有小史以掌邦國之志有
外史以掌四方之志而又有職方氏以掌天下之圖籍
非以其事重故重之耶吾臨汾爲唐堯故都若稽古平

臨汾縣志

舊序

七

章昭明之化康衢擊壤之風抵今望之昭昭然如日星
之在天者典籍之文可考也代之變也亡慮數千百年
諸所稱陵谷風會往躅遺編散見於諸史家及學士大
夫之所誦說者非不爛然具也獨柰何數千百年寥寥
未志此豈盛明世所謂重文事哉余邑侯澤宇先生
學道君子也先生蒞吾邑凡五載而政成政成而志始
作以先生才奚所爲遲之於歲月之久而每念閭閻多
故是爲日夜急也往歲稔民大饑鰥寡失所餓莩相藉
學舍傾圮造作無方先生怡然曰吾責在字民一民饑

我饑之也。鰥寡向隅，養生喪死，有憾予之辜也。民風士習，非予覺之而誰也。吾數者未效，吾何暇文獻爲。則自是發粟捐俸，煮粥徧窮鄉，開河渠，置義塚，恤災獨葺，黷校勞心，殫思皇皇乎未之倦也。而先生顧於庶務之暇，探竒履勝，彰往察來，上下數千年，廣袤數百里，于所稱陵谷風會，往躅遺編，可以驗世道，答民情者，先生蓋游目委心，數計而燭照之，有日矣。且以今五載之久，湛恩滂沛，物阜民登，先生怡然曰：吾政治吾所爲，不暇暇矣。吾奈何事期會遺文獻，而使遠邇上下竟恣恣如長夜。

哉。于時下令旁蒐，毅然獨斷，此志之所由作也。信乎子長氏之言曰：載籍極博，猶考信於六藝。夫才如子長，豈區區治經如博士哉。顧考世證辭，非此不可。而子長氏方且登箕山，望夷門，渡江淮，波汶泗，孳孳焉徧寓以內，而遊覽焉者，則酌古準今之極致，而事核文直之造端也。先生聞見，何論子長而躬行實政，抑又過之。今觀其志爲類，凡九卷而考殿最于鏘銖，析古今于毫芒，乃至於平章昭明，康衢擊壤，與夫茅茨樸桶，比屋可封之狀，一篇之中，三致意焉。將使遠邇上下，猶得以破陋習而

鏡唐風其裨益世道宣洩民情之功詎不偉哉語有之
因民而教者不勞而成功據俗而動者慮徑而易見則
先生之志是已先生瑰意琦行度越海內今之學士大
夫無不知有澤宇先生者行且俟內拜尙不怠一二小
民爲之垂文獻於不朽是可以觀先生矣

臨汾縣舊志序

康熙癸酉
八月
甫中林弘化撰

昔人有言誌國邑者權輿於禹貢及周禮之職方班孟
堅因之作漢地理志至後代皆有書而郡與邑又皆自
爲紀乘誌之由來尙矣夫亦曰因事以徵文因文以徵
事辨疆域正人心益治平扶風教非此不爲功迺言淆
道遠文繁旨乖史之盛經所以靡也則志似可已雖然
志又烏可已哉夫史以續經而歷代皆有史志以翼史
王朝重采風而方域獻圖籍志與史固相表裏者也昌

臨汾縣志

舊序

十

黎文起八代退謝不敢言史而柳州深致意焉誠重之
也倘以志爲末務坐令文獻闕焉弗講則前者罔聞後
者莫攷將所謂辯疆域正人心益治平扶風教者安在
耶余承

簡命謬分符臨汾拜帝堯之神祠而茅茨猶存識民風之
儉也尋蒼頡之故里而鳥篆可觀得文字之始也以及
望姑射如見冰雪之姿焉溯汾流不忘大禹之烈焉稽
古有懷撫今動念不禁慨然曰臨汾固晉中一大都會
也誌之弗備能無遺憾與然地衝政繁日夜不遑時恐

隕越簿書之餘嘗披覽舊志矣舊志者安肅邢公修於明萬曆年間舉綱張目亦當世得失之林也其足備史家采擇固自有在然世異則法制有因革時久則事故有損益我國家文治日益盛政教日益興人才日益懋天道協於上人事應於下駸駸乎有加無已猗歟休哉雖遐方典章務必悉舉於是

詔天下郡邑紀乘各爲刪定而纂續之昭隆軌大一統也余奉檄增修敢不殫精竭慮窮幽闡微乃與淹貫經史之趙廣文采攬舊聞并延邑中之文望素著學行公正

臨汾縣志

舊序

十一

者訪輯輿論共襄厥成分門較類則仍乎舊宗前哲也至於刪繁就簡各從其例而續以新裁則又竊取之義也後有因事徵文因文徵事以潤色弘藻成一代盛業是予之願也夫是予之願也夫若乃爲國家助流文教宣力政治明天道於勿悖辨人事而罔違則實余之執掌簿書惟恐隕越敢不勉旃以貽志乘羞凡蒞茲土而覩茲志者當作如是觀